

ZITHROMAX[®] TABLET

Azithromycin dihydrate (250 mg, 500 mg)

Apakah yang ada pada risalah ini

1. Apakah kegunaan Zithromax
2. Bagaimana Zithromax berfungsi
3. Sebelum menggunakan Zithromax
4. Cara menggunakan Zithromax
5. Semasa menggunakan Zithromax
6. Kesan-kesan sampingan
7. Cara penyimpanan dan pelupusan Zithromax
8. Maklumat lanjut
9. Pengilang dan Pemegang Pendaftaran Produk
10. Tarikh kemas kini RiMUP

Apakah kegunaan Zithromax

Zithromax digunakan untuk merawat jangkitan yang disebabkan oleh bakteria, termasuk:

- jangkitan saluran pernafasan;
- jangkitan telinga;
- jangkitan kulit dan tisu lembut;
- penyakit kelamin (jangkitan pada kemaluan).

Bagaimana Zithromax berfungsi

Zithromax mengandungi azithromycin dihydrate iaitu sejenis antibiotik yang dipanggil macrolide. Ia berfungsi dengan menghentikan pertumbuhan bakteria yang menyebabkan jangkitan.

Sebelum menggunakan Zithromax

- Bila tidak boleh menggunakan

Jangan ambil Zithromax jika anda alah kepada:

- azithromycin, erythromycin, sebarang antibiotik yang serupa atau mana-mana bahan lain yang terkandung dalam ubat ini (disenaraikan dalam maklumat lanjut produk).

- Sebelum mula menggunakan

Sebelum mengambil Zithromax, beritahu doktor anda jika anda pernah mengalami masalah yang berikut:

- pernah mengalami cirit-birit apabila menggunakan antibiotik;
- tanda jangkitan kulit;
- pernah mengalami tindak balas alahan serius yang mengakibatkan bengkak muka dan tekak, masalah pernafasan, ruam, demam, bengkak kelenjar;

- masalah hati, jantung atau buah pinggang;
- lemah otot;
- jika anda menghidap penyakit kencing manis.

Sila beritahu doktor anda sekiranya anda mengalami mana-mana keadaan berikut:

- mengambil ubat-ubatan yang boleh menjejaskan ritma jantung seperti ubat yang digunakan untuk degupan jantung tidak tetap, psikosis, kemurungan dan antibiotik jenis fluoroquinolone;
- mempunyai paras kalium atau magnesium yang rendah dalam darah anda.

Mengandung dan menyusukan anak

Dapatkan nasihat doktor atau ahli farmasi jika anda mengandung, merancang untuk mengandung atau sedang menyusukan anak sebelum menggunakan sebarang ubat.

Zithromax hanya boleh digunakan semasa kehamilan jika manfaatnya lebih daripada risiko kepada bayi.

Zithromax dirembeskan ke dalam susu ibu. Doktor anda akan membincangkan risiko dan faedah penyusuan semasa anda mengambil Zithromax.

- Jika mengambil ubat-ubat lain

Sebelum mengambil Zithromax, beritahu doktor anda jika anda sedang mengambil mana-mana ubat yang berikut:

- antasid (untuk penyakit asid gastrik berlebihan);
- digoxin (digunakan untuk merawat kegagalan fungsi jantung);
- colchicine (digunakan untuk merawat gout);
- zidovudine (digunakan untuk merawat jangkitan HIV);
- warfarin (ubat cair darah);
- cyclosporin (digunakan untuk mencegah penolakan selepas pemindahan organ atau sumsum tulang);

- ergot derivatives, seperti ergotamine (digunakan untuk merawat migrain);
- atorvastatin (ubat untuk merendahkan kolesterol).

Cara menggunakan Zithromax

- Berapa banyak harus digunakan

Ikut arahan doktor atau ahli farmasi anda. Ia mungkin berbeza dari maklumat di dalam risalah ini. Jika anda tidak memahami arahan pada label ubat anda, sila rujuk kepada doktor atau ahli farmasi.

Untuk orang dewasa dan kanak-kanak dengan berat melebihi 45kg:

Bagi jangkitan penyakit kelamin, dos adalah 1 g sehari diambil sekali sahaja.

Bagi semua jangkitan lain, dos lazim bagi orang dewasa adalah 500 mg setiap hari selama 3 hari atau selama 5 hari dengan 500mg diambil pada hari pertama, kemudian 250mg diambil pada hari ke-2 hingga ke-5.

- Bila perlu digunakan

Ambil sekali sehari atau ikut arahan doktor atau ahli farmasi anda. Zithromax boleh diambil dengan atau tanpa makanan.

Tablet Zithromax hendaklah ditelan sepenuhnya.

- Berapa lama perlu digunakan

Gunakan Zithromax dalam tempoh masa yang ditetapkan oleh doktor anda.

- Jika anda terlupa menggunakan

Ambil dos yang tertinggal sebaik sahaja anda teringat. Sekiranya sudah hampir masa untuk dos seterusnya, abaikan dos yang tertinggal dan kemudian teruskan mengambil ubat mengikut jadual seperti biasa. Jangan ambil dos berganda untuk menggantikan dos yang tertinggal

- Jika menggunakan secara berlebihan (terlebih dos)

ZITHROMAX® TABLET

Azithromycin dihydrate (250 mg, 500 mg)

Hubungi doktor anda dengan segera atau pergi ke Jabatan Kecemasan hospital terdekat, jika terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Semasa menggunakan Zithromax

- Perkara yang perlu dilakukan

Ambil Zithromax hanya dengan preskripsi doktor.

Ambil ubat anda mengikut arahan doktor.

Maklumkan kepada semua doktor, doktor gigi dan ahli farmasi yang merawat anda, bahawa anda sedang mengambil Zithromax.

Beritahu doktor anda dengan segera jika anda hamil semasa mengambil ubat ini.

Hentikan pengambilan Zithromax dan dapatkan bantuan perubatan dengan segera sekiranya anda atau anak anda mengalami mana-mana simptom berikut selepas mengambil ubat ini:

- kulit menjadi kemerahan, lepuh, ruam, demam, sakit tekak atau kerengsaan mata;
- kulit atau mata menjadi kuning (jaundis);
- cirit-birit yang teruk atau berpanjangan yang mungkin disertai dengan darah atau mukus semasa atau selepas rawatan dengan Zithromax;

- Perkara yang tidak boleh dilakukan

Jangan berhenti mengambil ubat ini kecuali diarahkan oleh doktor anda.

Jangan mula mengambil sebarang ubat baharu tanpa berbincang dengan doktor anda.

Jangan beri Zithromax kepada sesiapa, walaupun mereka mempunyai simptom atau penyakit yang sama.

- Perkara yang perlu diberi perhatian

Memandu dan menggunakan jentera

Berhati-hati semasa memandu atau mengendalikan jentera sehingga anda tahu kesan Zithromax terhadap diri anda.

Kesan-kesan sampingan

Seperti ubat-ubatan lain, Zithromax boleh menyebabkan kesan sampingan, walaupun bukan semua orang akan mengalaminya.

Jumpa doktor atau ahli farmasi anda dengan segera jika anda mengalami sebarang kesan sampingan selepas menggunakan ubat ini.

Zithromax boleh menyebabkan alergi yang teruk dan reaksi kulit yang serius.

Hentikan penggunaan Zithromax dan dapatkan bantuan perubatan dengan segera jika anda mengalami mana-mana simptom berikut:

- kulit kemerah-merahan, lepuh, ruam, demam, sakit tekak atau kerengsaan mata.

Kesan sampingan berikut telah dilaporkan:

- sel darah putih atau platelet rendah;
- masalah pendengaran, bunyi berdering dalam telinga, rasa berpusing;
- loya, muntah, cirit-birit, ketidakadaman, sembelit, kekejangan/kesakitan abdomen, angin, radang pada usus besar dan perubahan warna lidah;
- ruam, bengkak pada kulit dan membran mukus, kegatalan, sensitif terhadap cahaya, dan geligata;
- rasa lemah, lesu, tidak selesa;
- jangkitan yis pada mulut dan tekak, radang faraj;
- masalah pemakanan (*anorexia*);
- agresif, rasa gementar, agitasi dan keresahan;
- pening, sawan, sakit kepala, hiperaktif, deria sentuhan yang mengurang atau tidak normal, mengantuk, dan tidak sedar diri;
- debaran jantung yang laju dan tidak normal
- tekanan darah rendah;
- radang hati, kulit dan mata menjadi kekuningan (jaundis);
- sakit sendi;

- keradangan atau kegagalan buah pinggang.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npa.gov.my [Consumers → Reporting Side Effects to Medicines (ConSERF) or Vaccines (AEFI)].

Cara penyimpanan dan pelupusan Zithromax

- Penyimpanan

Jauhi semua ubat daripada kanak-kanak.

Simpan di bawah suhu 30°C.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

- Rupa dan warna produk

Zithromax Tablet 250 mg:

Tablet bersalut filem, berwarna putih hingga putih pudar, mempunyai garis pembahagi, berbentuk bujur yang diukir dengan "ZTM 250" pada satu permukaan dan "PFIZER" pada permukaan yang satu lagi.

Tablet Zithromax dibungkus dalam pek lepuh PVC Legap/aluminium yang mengandungi 6 tablet.

Zithromax Tablet 500 mg:

Tablet bersalut filem, berwarna putih hingga putih pudar, mempunyai garis pembahagi, berbentuk bujur yang diukir dengan "ZTM 500" pada satu permukaan dan "PFIZER" pada permukaan yang satu lagi.

ZITHROMAX[®] TABLET

Azithromycin dihydrate (250 mg, 500 mg)

Tablet Zithromax dibungkus dalam pek lepuh PVC Legap/aluminium yang mengandungi 3 tablet.

-Bahan-bahan kandungan

- Bahan aktif

Azithromycin dihydrate

- Bahan tidak aktif

Pregelatinized starch, calcium phosphate dibasic anhydrous, croscarmellose sodium, white opadry II, magnesium stearate dan sodium lauryl sulphate.

-Nombor MAL

Zithromax Tablet 250 mg

MAL19985908ACZ

Zithromax Tablet 500 mg

MAL19985909ACZ

Pengilang

Haupt Pharma Latina S.r.l
Strada Statale 156 Km 47,600,
04100 Borgo San Michele
Latina, Itali

Pemegang Pendaftaran Produk

Pfizer (Malaysia) Sdn. Bhd.
Level 10 & 11
Wisma Averis, Tower 2
Avenue 5, Bangsar South
No. 8, Jalan Kerinchi
59200 Kuala Lumpur, Malaysia

Tarikh kemas kini RiMUP

12/09/2024

Nombor Siri:

NPRA(R4/1)240223/00017

PLD-ZITHROMAX TABLET-0924